



ԿՈԿ ՀԱՅԱՍՏԱՆ
WRC ARMENIA



2023

ՏԱՐԵԿԱՆ
ՀԱՇՎԵՏՎՈՒԹՅՈՒՆ



«ԿԱՆԱՆՑ ՌԵՍՈՒՐՍԱՅԻՆ ԿԵՆՏՐՈՆ» ՀԿ

ՏԱՐԵԿԱՆ ՀԱՇՎԵՏՎՈՒԹՅՈՒՆ

2023

1. ԸՆԴՀԱՆՈՒՐ ԱԿՏԱՐԿ	3
Ա. ԿՈԿ-ի առաքելությունն ու տեսլականը	3
Բ. Առանձնահատկությունները	3
2. ԾՐԱԳՐԻ ԹԱՐՄԱՑՈՒՄՆԵՐ	5
2.1 Ֆեմինիստական ապահով տարածք և կանանց ու աղջիկների զորեղացում	7
2.2 Սեռական և վերարտադրողական առողջություն և իրավունք	11
2.3 Ֆեմինիստական ադվոկացիա	13
2.4 Հաղորդակցություն և մեդիա	19
2.5 2023 թվականին իրականացված այլ ծրագրեր	22

Ա. ԿՌԿ-Ի ԱՌԱՔԵԼՈՒԹՅՈՒՆՆ ՈՒ ՏԵՍԼԱԿԱՆԸ

«Կանանց ռեսուրսային կենտրոն» ՀԿ-ն (այսուհետ՝ ԿՌԿ) ֆեմինիստական իրավապաշտպան կազմակերպություն է: ԿՌԿ-ի տեսլականն է հայաստանյան հասարակությունում կանանց հավասար և ինքնորոշ կարգավիճակի հաստատումը և հայրիշխանական հասարակարգի կողմից կնոջ նկատմամբ կիրառվող բռնաճնշումների և սահմանափակումների վերացումը: ԿՌԿ-ն իր գործունեությամբ ձգտում է հասարակության մեջ վարքային և նորմատիվային փոփոխության՝ ներազդելով պետական քաղաքականության, սոցիալ-մշակութային և օրենսդրական դաշտերի վրա: ԿՌԿ-ն հիմնադրվել է 2003թ-ին և գործում է թեմատիկ 3 հիմնական ուղղություններով՝

- ➔ ֆեմինիստական ապահով տարածք եւ կանանց ու աղջիկների զորեղացում
- ➔ սեռական եւ վերարտադրողական առողջություն եւ իրավունք
- ➔ կանանց իրավունքների ջատագովություն

ԿՌԿ թեմատիկ ուղղությունների մասին պատմող կարճ հոլովակը դիտել կարող եք [այստեղ](#):

2023թ. լրացավ Կանանց ռեսուրսային կենտրոնի հիմնադրման 20-ամյակը: Այս 20 տարիները լի են եղել բազմաթիվ դժվարություններով ու ձեռքբերումներով, ուստի մեզ համար կարևոր էր անգամ այս դժվարին ու ճգնաժամային շրջանում տոնել այն փաստը, որ ԿՌԿ-ն շարունակում է իր գործունեությունը և կանանց զորեղացելու իր առաքելությունը:

Բ. ԱՌԱՋՆԱՀԱՏԿՈՒԹՅՈՒՆՆԵՐԸ

ԿՌԿ-ն իր հիմնադրման առաջին իսկ օրվանից առանձնացել է ֆեմինիստական մոտեցմամբ, որը կանանց առաջարկում է առանց խտրականության, համագործակցությամբ, հավասար հնարավորություններով ու փոխօգնությամբ լի ֆեմինիստական ապահով տարածք, որտեղ յուրաքանչյուր կին կարող է նախաձեռնել ու իրականացնել սեփական գաղափարները, եթե վերջիններս դեմ չեն ֆեմինիստական գաղափարախոսությանն ու արժեքներին:

Առաքելությունը

1. Կանանց և աղջիկների տարբեր խբերի զորեղացումն ու աջակցումը:
2. Կանանց նկատմամբ խտրականության և բռնության մշակութային և համակարգային դրսևորումների վերհանումն ու նվազեցումը:
3. Ֆեմինիստական գաղափարախոսության տարածումն ու հայրիշխանական համակարգի կողմից ստեղծված անհավասարությունների դեմ կանանց միասնական պայքարի սատարումը:

Տեսլականը


1. Հայաստանյան հասարակությունում կանանց հավասար և ինքնորոշ կարգավիճակի հաստատումը:
2. Հայրիշխանական հասարակարգի կողմից կնոջ նկատմամբ կիրառվող բռնաճնշումների և սահմանափակումների վերացումը:

Նպատակը


1. ԿՌԿ-ն իր գործունեությամբ ձգտում է հասարակության մեջ վարքային և նորմատիվային փոփոխության՝ ներազդելով պետական քաղաքականության, սոցիալ-մշակութային և օրենսդրական դաշտերի վրա:

● **Նշանակալից դիտարկումներ**

2023 թվականի հունվար-նոյեմբեր ամիսներին ԿՌԿ այցելել է 128 մարդ, որից 23-ը արական, իսկ 105-ը իգական սեռի ներկայացուցիչներ են: Ստորև բերված գծապատկերը արտացոլում է ԿՌԿ-ի այցելուների հաճախումների վիճակագրությունը՝ բաշխված ըստ ամիսների և սեռերի:



Գծապատկեր 1 **Այցելուների բաշխումն ըստ ամիսների և սեռերի**



Գծապատկեր 2 **ԿՌԿ-ի նոր և ակտիվ անդամների հաճախումների բաշխումն ըստ ամիսների**

ՄԵՐ ԱՇԽԱՏԱԼՔԸ ԲՈՒՆԻ ՏԵՂԱՀԱՆՎԱԾ ԲՆԱԿՉՈՒԹՅԱՆ ՀԵՏ

Սեպտեմբերի 19-ին Լեռնային Ղարաբաղում Ադրբեջանի ռազմական ագրեսիայից հետո շուրջ 100.000 արցախցի բռնի տեղահանվել է իր ծննդավայրից՝ ապաստանելով Հայաստանում: Արցախցիների ժամանումից անմիջապես հետո մեր կազմակերպությունն առաջնագծում էր: Մենք իրականացրել ենք գեներային կարիքների [գնահատում](#), ինչպես նաև մարդասիրական օգնություն ենք տրամադրել բռնի տեղահանված շուրջ 250 կանանց և աղջիկների: Աջակցել ենք Արցախի քաղաքացիներին, ինչպես նաև Արարատի, Արմավիրի, Կոտայքի մարզերում և խոցելի այլ համայնքներում գտնվող 4 կացարաններում ապրող կանանց:

Նոյեմբերից սկսած ԿՌԿ-ն նախաձեռնել է 18-60 տարեկան տեղահանված կանանց և աղջիկների անվճար բժշկական ծառայությունների տրամադրումը: Այս ծառայությունները ներառում են.

- սեռական ճանապարհով փոխանցվող վարակների (ներառյալ ՄԻԱՎ-ի) թեստավորում և բուժում.
- խորհրդատվություն հղիության ընդհատման վերաբերյալ.
- սեռական բռնության դեպքում անվճար բժշկական զննում:

Բացի այդ, ԿՌԿ-ն վերապատրաստում է անցկացրել տեղահանված հղիների համար և նրանց տրամադրել ծննդաբերական փաթեթներ:

Սեպտեմբերի 22-ին ԿՌԿ-ն իր ապահով տարածքում մեկնարկեց առաջին հավաքը Արցախի իրադարձություններից ուղղակի և անուղղակի տուժած կանանց հետ: Նպատակն անվտանգ տարածքի ստեղծումն էր, որպեսզի մարդիկ կապ հաստատեն համախոհ անհատների հետ, արտահայտեն իրենց մտահոգությունները, զգացմունքները և մտքերը Արցախի շրջափակման, պատերազմի և տեղահանության սթրեսային ժամանակներին դիմակայելու վերաբերյալ: Այդ ժամանակից ի վեր մենք ամեն հինգշաբթի հավաքներ ենք կազմակերպում՝ հարթակ տրամադրելով քննարկումների և և ստեղծարարության համար, այդ թվում՝ կավագործությամբ, նկարչությամբ և մակրամեով զբաղվելու՝ ընդգծելով ստեղծագործական արտահայտման թերապևտիկ կողմը:



Ֆեմինիստական ակտիվիզմը ԿՌԿ գործունեության հիմնական ուղղություններից է: Ծավալելով ֆեմինիստ ակտիվիստական գործունեություն՝ կազմակերպությունը փորձում է նպաստել ֆեմինիստական շարժման ծավալմանը և հայրիշխանական համակարգի տապալմանը: ԿՌԿ ֆեմինիստական տարածքը գործում է 3 հիմնական ուղղություններով.

- ➔ կանանց և աղջիկների կարողությունների զարգացում.
- ➔ ֆեմինիստական ակտիվիզմ.
- ➔ կանանց բարօրություն:

ԱՊԱՀՈՎ ՏԱՐԱԾՔ

Հիմնադրման առաջին իսկ օրվանից կանանց ռեսուրսային կենտրոնը (ԿՌԿ) կանանց տարբեր խմբերի համար ստեղծել է ապահով և հյուրընկալ միջավայր: Այս ապահով տարածքում անհատները հնարավորություն ունեն իրենց փորձով կիսվելու, քննարկումների մեջ ներգրավվելու և արտահայտվելու՝ առանց առջնվելու որևէ խտրականության ու քննադատության: Աշխատում ենք երկուշաբթիից շաբաթ՝ 12:00-ից մինչև 18:00-ը՝ բացառությամբ չորեքշաբթի օրերի, և մեր ապահով տարածքը բաց է աշխատելու, սովորելու, մեր գրադարանից օգտվելու և աշխատակիցների հետ շփվելու համար: Այստեղ կազմակերպում ենք բազմաթիվ քննարկումներ, տեղեկատվական հանդիպումներ, կինոդիտումներ, գրքերի ակումբներ, տարբեր միջոցառումներ, որոնք ուղղված են մասնակիցների բարօրության և հոգեկան առողջության բարելավմանը: Այս տարի մեր ապահով տարածքում ունեցել ենք 348 այցելություն:

1. ԿԱՐՈՂՈՒԹՅՈՒՆՆԵՐԻ ՉԱՐԳԱՑՈՒՄ ՀԱՆՈՒՆ ԿԱՆԱՆՑ ՉՈՐԵՂԱՑՄԱՆ ԵՎ ԳԵՆԴԵՐԱՅԻՆ ՀԱՎԱՍԱՐՈՒԹՅԱՆ

Ֆիլմերի ցուցադրություններ և այլ իրադարձություններ

Տարվա ընթացքում Ֆեմինիստական Ապահով Տարածքը կազմակերպել է 3 ֆիլմերի ցուցադրություն՝ «Radioactive», «Everything everywhere all at once» և «One good song can do more than 5000 protests»: Բացի այդ՝ կազմակերպությունը հյուրընկալել է «Խոսենք հարաբերությունների մասին» խորագրով հատուկ միջոցառումը, որը խթանում է առողջ ու անառողջ հարաբերությունների նրբությունների վերաբերյալ բաց քննարկումը և միջանձնային այլ պրոբլեմների լուծումը, որոնց կարող են առնչվել անհատները:

Արվեստի գործերի ցուցահանդեսներ և թեմատիկ սեմինարներ

Շարունակելով ապացուցել իր սերն ու նվիրվածությունն արվեստի հանդեպ՝ մարտ ամսին Ֆեմինիստական Ապահով տարածքը-ը հյուրընկալել է «Տեսանելի անուկ» ցուցահանդեսը, որում ներկայացված էին երեք տաղանդավոր կին արվեստագետների՝ Անի Թադևոսյանի, Հուրի Մարգարյանի և Ամասիա Նիզիբյանի բազմազան աշխատանքները:

Չորեղացման ճամբար

Օգոստոսին Ֆեմինիստական Ապահով Տարածքը Ծաղկաձորում կազմակերպել է աղջիկների չորեղացման իր ամենամյա ճամբարը՝ ներգրավելով 18-25 տարեկան 21 երիտասարդ աղջիկների: Գնաճամբարը ծառայել է որպես փոխակերպող փորձ՝ խթանելով չորեղացումն ու անհատական զարգացումը:



#արիֆեմտարածք

Վեմ2

12:00-18:00

Վեմ3

12:00-18:00

- ☒ ապահով տարածք
- ☒ ֆեմ.գրադարան
- ☒ անվճար ինտերնետ
- ☒ պարբ. միջոցառումներ

Վեմ5

12:00-18:00

Վեմ7

12:00-18:00



Սարյան 24/5

2. ՖԵՄԻՆԻՍՏԱԿԱՆ ԱԿՏԻՎԻԶՄ

Կանանց պատմության միամսյակի քարոզարշավ

Մարտին ֆեմինիստական Ապահով Տարածքը ղեկավարել է կանանց պատմության միամսյակի քարոզարշավը՝ օգտագործելով ստեղծագործական QR մոտեցումը հանրության հետ: Կամավորները նախատոնական զեղչերով գովազդային պաստառներ են պատրաստել, որոնցում զետեղված է եղել տեղեկություն գենդերային բռնության (ԳԲ), ընտանեկան բռնության (ԸԲ) և կանանց իրավունքների մասին: Մարտի 4-ին ԿՌԿ-ի աշխատակիցները և կամավորները այցելել են Վանաձոր, իսկ մարտի 18-ին՝ Գյումրի՝ համագործակցելու ֆեմինիստ և քուիր համայնքի երիտասարդների հետ և խթանելու վերը նշված ակցիայի տարածումը նաև մարզերում: Կանանց Չարգացման Հիմնադրամի հետ համագործակցության շնորհիվ մարտի 21-ին հանրությանը ներկայացվել է Երևանի ֆեմինիստական քարտեզը: Միամսյակը եզրափակվել է մարտի 28-ին երիտասարդ գիտնականներ Շողիկ Ղազարյանի և Հասմիկ Թորոսյանի մասնակցությամբ հավաքով, ինչից ոգեշնչվելով 20 երիտասարդ աղջիկ որոշել են հետագայում մասնագիտական առնչություն ունենալ STEM ոլորտին:

Կամավորների ներգրավում

Այս տարի ԿՌԿ-ն ունեցել է 15 ակտիվ կամավորներ, ինչպես նաև ձեռք է բերել 12 նոր և ստացել դիմում չորս ապագա կամավորներից՝ ևս մեկ անգամ ի ցույց դնելով մեր առաքելությանը և գաղափարախոսությանը նվիրված անհատների աճող համայնքը:

Կանանց իրավունքների դասընթաց

2023 թվականին կազմակերպվել է երկու խումբ «Կանանց իրավունքների դասընթաց», որոնք տեղի են ունեցել ապրիլին և սեպտեմբերին: Անդրադարձ է եղել այնպիսի թեմաների, ինչպիսիք են մարդու իրավունքները, գենդերը, գենդերային բռնությունը, ֆեմինիզմը, սեռական և վերարտադրողական առողջությունը և իրավունքները, կանայք, խաղաղությունն ու անվտանգությունը: Ապրիլյան Նստաշրջանից հետո կյանքի կոչվեցին մի խումբ նախաձեռնություններ: Այս նախաձեռնությունները կենտրոնացած էին այնպիսի կարևոր խնդիրների վրա, ինչպիսիք են ֆեմինիզմը, մարդու իրավունքները, Էկոակտիվիզմը, դպրոցներում գենդերային նորմերի վիճարկումը և գենդերային բռնության դեմ պայքարը: Սեպտեմբերյան դասընթացին գենդերային հավասարության վերաբերյալ փորձառական ուսուցման նպատակով, «Քայլ դեպի հավասար իրավունքներ» նախաձեռնությունը ակտիվորեն ներգրավեց Բավրա գյուղի 20 երեխաների և 20 ծնողների՝ օգտագործելով ֆորում թատրոն մեթոդը (forum theatre) և արշավային էքսկուրսիան: Մյուս նախաձեռնությունները ուղղված էին նորարարական գործիքների միջոցով հասարակական տարբեր շերտերը կրթելուն ու ուղորդելուն:

- Ծնողների՝ սեռական և վերարտադրողական առողջության և իրավունքների մասին երեխաների հետ զրույցների կարգավորմանը:
- իրավախախտ կանանց համար իրավունքների պաշտպանությանը:
- Երիտասարդ ուսանողներին գենդերային կարծրատիպերից զուրկ մասնագիտությունների ընտրությանը:

3. ԿԱՆԱՆՑ ԲԱՐՕՐՈՒԹՅԱՆ ԽԹԱՆՈՒՄ

Հոգեբանական աջակցություն

Հետպատերազմյան իրավիճակի հետ կապված մարտահրավերների ֆոնին ակտիվացել են կանանց իրավունքների ոտնահարման դեպքերը, գենդերային հիմքով բռնությունը, ընտանեկան բռնությունը և այլ վնասակար պրակտիկաներ: Կանանց վրա այս մարտահրավերների խտրական ազդեցությունը մեղմելու նպատակով՝ Կանանց ռեսուրսային կենտրոնը (ԿՌԿ) հոգեբանական աջակցություն տրամադրող խմբային հանդիպումներ է կազմակերպել: Ամբողջ տարվա ընթացքում

ԿՌԿ-ն իրականացրել է վեց հոգեբանական խմբային հանդիպումներ, որոնցից յուրաքանչյուրը բաղկացած է եղել 6-ից 8 հանդիպումներից: Արձագանք ենք ստացել 212 կանանցից, որոնցից 44-ը ակտիվորեն մասնակցել են դասընթացներին: Բացի այդ՝ տրամադրվել է 89 ժամ անհատական հոգեբանական խորհրդատվություն 10 կանանց՝ առաջ մղելով հուզական բարեկեցությունը սնուցելու մեր հանձնառությունը:

Իրավաբանական խորհրդատվություն

Իրավաբանական աջակցության ծառայություններ են մատուցվել 217 զանգահարողների և 21 այցելուների՝ տրամադրելով իրավական խնդիրներ լուծելու և կանանց գիտելիքներով և այլ ռեսուրսներով զինելու կարևոր խորհրդատվություն:

Յոգայի և բարեկեցության դասընթացներ

Փետրվարից դեկտեմբեր ժամանակահատվածում յոգայի դասընթացներ են անցկացվել՝ նպաստելով ֆիզիկական և մտավոր բարեկեցությանը:



«ՕՐՍ ՍԿՍՎՈՒՄ Է ԿՈՍՄԵՏԻԿԱՅԻՑ՝
ԿԱՂՏՈՒԿՆԵՐՍ ՓԱԿԵԼՈՒ ՀԱՄԱՐ:
ԻՍԿ ՔՈ՞ՆԸ:»

Ծառ կանայք Հայաստանում իրենց ապահով չեն զգում իրենց տներում՝ ամեն օր ենթարկվելով բռնության:


Թեժ գծեր ընտանեկան բռնության դեպքում՝
099 88 78 08, 010 54 28 28, 043 01 02 92



#Մարտի8ԿանանցԻրավունքներիՕր

ՄԱՐՏԻ ՈՒԹԻՆ ԶՎԱՐՃԱՆԱԼՈՒՑ
ԲԱՅԻ՝ ՀԻՇԻՐ ՄԵՐ ՅԵՄԻՆԻՍՏ
ՆԱԽԱՄԱՅՐԵՐԻՆ, ՈՒՄ ՇՆՈՐՀԻՎ
ՀԱՍԵԼ ԵՆՔ ԱՅՍԵՂ

#Մարտի8ԿանանցԻրավունքներիՕր



Հայկանուշ Մարք

Միպիլ

Զապել Եսայան

«Սեռական և վերարտադրողական առողջություն և իրավունք» (ՍՎԱԻ) ծրագիրը գործում է կազմակերպության ներսում 2008թ-ից և կազմակերպության կարևոր առաջնահերթություններից մեկն է: Այս ծրագիրը առանցքային դիրք է զբաղեցնում կազմակերպության առաջնահերթությունների շարքում՝ հասարակության ներսում կարևորագույն հարցերի շուրջ քննարկումների համար խթան հանդիսանալով:

ՍՎԱԻ ծրագիրը անդրադառնում է կանանց սեռական և վերարտադրողական առողջության և իրավունքների հետ կապված մտահոգություններին՝ լույս սփռելով այն խոչընդոտների վրա, որոնք խանգարում են կանանց ինքնավարությանը իրենց մարմինների վերաբերյալ որոշումներ կայացնելիս: Այն դիմակայում է սեքսուալության՝ որպես խարանված և փակ թեմայի գերակշռող ընկալմանը՝ նպատակ ունենալով վերացնելու բաց երկխոսությունը սահմանափակող տաբուները:

ՍՎԱԻ-ի նպատակը տարբեր խմբի կանանց սեռական և վերարտադրողական իրավունքների պաշտպանությունն է իրազեկվածության բարձրացման ու ոլորտում առկա հիմնախնդիրների բարձրաձայնման և լուծման մեխանիզմներ մշակելու շնորհիվ:

ԿԱՐՈՂՈՒԹՅՈՒՆՆԵՐԻ ՉԱՐԳԱՑՈՒՄ ԵՎ ԻՐԱՉԵԿՎԱԾՈՒԹՅԱՆ ԲԱՐՁՐԱՑՈՒՄ

1. ՄԱՆԿԱԲԱՐՁ-ԳԻՆԵԿՈԼՈԳՆԵՐԻ ԵՎ ԸՆՏԱՆԵԿԱՆ ԲԺԻՇԿՆԵՐԻ ՀԱՄԱՐ ԿԱՐՈՂՈՒԹՅՈՒՆՆԵՐԻ ՉԱՐԳԱՑՄԱՆ ԴԱՍԸՆԹԱՑՆԵՐ

Կանանց ռեսուրսային կենտրոնը (ԿՌԿ) ակտիվորեն ներգրավված է կարողությունների զարգացման և իրազեկության բարձրացման գործում մասնավորապես մանկաբարձ-գինեկոլոգների և ընտանեկան բժիշկների համար նախատեսված սեմինարների միջոցով: «Վերարտադրողական իրավունքների շահերի պաշտպանության» ցանցը (այսուհետ՝ Ցանց) մշակել է վերապատրաստման մոդուլ, որը բժշկական ծառայությունների մատուցման իրավունքահեն և ոչ խտրական մոտեցում է ներկայացնում: Այս նախաձեռնությունը իրականություն է դարձել 2017թ-ին ՍՎԱԻ ծրագրի շրջանակներում: Մանկաբարձ-գինեկոլոգների և ընտանեկան բժիշկների համար նախատեսված ձեռնարկը հավաստագրվել է ՀՀ առողջապահության նախարարության կողմից 2019թ-ին, իսկ 2021թ-ին հավաստագրումը վերահաստատվել է և ուժի մեջ է եկել 2 տարի: Հարկ է նշել, որ դասընթացն ավարտելուց հետո մասնակիցները ստանում են Շարունակական Մասնագիտական Չարգացում/ՇՄՇ/ տեսական կրեդիտներ:

2023թ-ին ԿՌԿ-ն վերապատրաստման երկօրյա դասընթացներ է իրականացրել՝ վերապատրաստելով 150 մանկաբարձ-գինեկոլոգների և ընտանեկան բժիշկների Հայաստանի Հանրապետության բոլոր մարզերից:

2. ՍԵՄԻՆԱՐՆԵՐ ՀՂԻ ԿԱՆԱՆՑ ՀԱՄԱՐ

Կանանց ռեսուրսային կենտրոնը (ԿՌԿ) կազմակերպել է ֆեմինիստական մոտեցմամբ սեմինար հղի կանանց զորեղացման համար: Սեմինարին ներկա 35 մասնակիցները՝ բաժանված երկու խմբերի, ակտիվորեն մասնակցել են վեց հանդիպումների, որոնք վարում էր որակավորված մանկաբարձուհի Ֆիլանտիայից: Սեմինարն ընդգրկում էր հղիության և ծննդաբերության վերաբերյալ տարբեր թեմաներ՝ սկսած ֆիզիկական բարեկեցությունից և ցավը մեղմացնող վարժություններից, մինչև ծննդաբերության և հետծննդյան խնամքի նախապատրաստական աշխատանքներ:

3. «ԻՄ ՄԱՐԺԻՆ՝ ԻՄ ԻՐԱՎՈՒՆՔ» ՍԵՄԻՆԱՐ ԵՐԻՏԱՍԱՐԴ ԿԱՆԱՆՑ ՀԱՄԱՐ

«Իմ մարմին՝ իմ իրավունք» սեռական առողջության սեմինարը անցկացվել է 2023 թվականի հունիս-հուլիս և սեպտեմբեր-հոկտեմբեր ամիսներին երիտասարդ կանանց երկու խմբերի համար, որոնց մասնակցել են 35 երիտասարդ կանայք: Սեմինարները ներառում էին ութ հանդիպումներ, որոնք ընդգրկում էին այնպիսի թեմաներ, ինչպիսիք են սեռական և վերարտադրողական անատոմիան և ֆիզիոլոգիան, անձնական հիգիենան, դաշտանային ցիկլը, առողջ սեռական հարաբերությունները, սեռավարակները, հակաբեղմնավորման մեթոդները և համապատասխան այլ թեմաներ:

Բոլոր հանդիպումների ընթացքում մասնակիցները արժևորել են ոչ միայն սեռականության վերաբերյալ ճշգրիտ տեղեկության ձեռքբերումը, այլև ինքնաընկալման իրենց տեսակետների բարեփոխությունը, ինչը հանգեցնում է ինքնավստահության բարձրացմանը:



Աղվովկացիան փուլային գործընթաց է՝ ուղղված որոշումներ կայացնողների, մասնավորապես՝ պետական մարմինների կողմից մշակվող և կիրառվող քաղաքականության և օրենսդրության փոփոխությանն ու բարելավմանը: Մեր աղվովկացիոն աշխատանքը հիմնվում է ֆեմինիստական արժեքների ու մոտեցումների վրա, որոնց համար հիմք են ծառայում կանանց տարբեր խմբերի հիմնախնդիրները: Անձնական մակարդակում հանդիպող խնդիրները հավաքագրելուց հետո ԿՌԿ աղվովկացիոն թիմը փորձում է քաղաքականացնել այդ հիմնախնդիրները՝ բարձրաձայնելով դրանք պետական մարմինների շրջանում և առաջարկելով դրանց լուծումներ օրենսդրական կամ պետական քաղաքականության մակարդակում: Աղվովկացիոն աշխատանքն իրականացվում է տեղական և միջազգային մակարդակներում՝ կանանց անձնական խնդիրներին տալով համապատասխան լուծումներ:

2023թ. աղվովկացիոն թիմն աշխատել է մի քանի ուղղություններով, որոնք բխում են հետպատերազմական և մասնավորապես 2023թ. սեպտեմբերին Լեռնային Ղարաբաղի բնակչության բռնի տեղահանման արդյունքում կանանց տարբեր խմբերի կարիքներից:

ՖԵՄԻՆԻՍՏԱԿԱՆ ԱՂՎՈԿԱԳՑԻԱՆ ՏԵՂԱԿԱՆ ՄԱԿԱՐԴԱԿՈՒՄ

Տեղական մակարդակում մեր առաջնային նպատակն էր ազդել պետական քաղաքականության և օրենսդրական գործընթացների վրա՝ ցանկանալով կանանց համար դրանք դարձնել ավելի գենդերազգային և ներառական:

1. ՍԵՌԱԿԱՆ ԵՎ ՎԵՐԱՐՏԱԴՐՈՂԱԿԱՆ ԱՌՈՂՋՈՒԹՅՈՒՆ ԵՎ ԻՐԱՎՈՒՆԸ

Հետպատերազմական իրադարձություններն առավել շատ են ազդում կանանց սեռական և վերարտադրողական իրավունքների իրացման վրա: Մասնավորապես հետպատերազմական շրջանում պետությունները ակտիվ քարոզչություն են տանում ծնելիության խթանման ուղղությամբ: Այս տեսանկյունից Հայաստանը ևս բացառություն չէ: Մեր երկրում ծնելիության խթանման ծրագրերը թիրախավորում են կանանց՝ առանց տրամադրելու պատշաճ երաշխիքներ՝ ուղղված երեխաների խնամքի հարցերին: Մտահոգիչ է նաև առողջության՝ 2024թ. ներդրվող համապարփակ ապահովագրությունը, որը կանանց տարբեր խմբերի համար չունի սեռական և վերարտադրողական առողջության ծառայությունների բավարար ծածկույթ: Այս համատեքստում շարունակում է խնդրահարույց լինել կանանց՝ սեռական և վերարտադրողական առողջության ծառայությունները գաղտնի պայմաններում և մեկուսի ստանալու իրավունքի պաշտպանությունը, որը շատ հաճախ անտեսվում է բժշկական ծառայություններ մատուցողների կողմից: Հայաստանում համապարփակ և իրավունքահեն սեռական կրթության բացակայությունը մեկ այլ մարտահրավեր է, որի ներդրման շուրջ մենք շարունակում ենք մեր աշխատանքները:

Սեռական և վերարտադրողական առողջության և իրավունքի ոլորտում նշված մարտահրավերները հասցեագրելու նպատակով մենք իրականացրել ենք հետևյալ գործողությունները:

- 2017թ. ԿՌԿ ջանքերով ստեղծված «Վերարտադրողական իրավունքների շահերի պաշտպանության ցանցի» անդամների հետ ունեցել ենք մի շարք հանդիպումներ ՀՀ առողջապահության նախարարության ներկայացուցիչների և Ազգային ժողովի պատգամավորների հետ, քննարկել ինչպես հաճախորդների սեռական և վերարտադրողական առողջության ծառայությունները գաղտնի պայմաններում և մեկուսի ստանալու իրավունքի պաշտպանության հնարավորությունները՝ բժշկական հաստատությունների լիցենզավորման կարգի շրջանակներում ամրագրման հնարավորությամբ, այնպես էլ առողջության համապարփակ ապահովագրության ներդրման խնդիրները և կանանց տարբեր խմբերին հասանելի և որակյալ սեռական և վերարտադրողական ծառայությունների ներառումը: Ցանցի [առաջարկները](#) իրավական ակտերի նախագծերի հրապարակման միասնական կայքի միջոցով նաև ներկայացվել են ՀՀ առողջապահության նախարարությանը:
- ՀՀ կրթության, գիտության, մշակույթի և սպորտի նախարարության հետ համագործակցության արդյունքում վերանայել ենք «Առողջ ապրելակերպ» դասընթացի ուսուցչի ձեռնարկները 5-11 դասարանների համար և ներկայացրել առաջարկներ սեռական ու վերարտադրողական առողջության և իրավունքի թեմաների շուրջ: Առաջարկների տրամաբանությունը բխել է համապարփակ և իրավունքահեն մոտեցման սկզբունքներից:
- Մեր ադվոկացիոն թիմի ջանքերով մշակվել է փաստաթուղթ Հայաստանում ծնելիության քաղաքականության վերաբերյալ: Փաստաթղթում անդրադարձ է կատարվում իրականացվող պետական ծրագրերին և վեր է լուծվում դրանց ազդեցությունը կանանց իրավունքների վրա: Փաստաթուղթը հասանելի է [նշված հղումով](#):
- Խնամքի հաստատությունների դիտորդական խմբի անդամների հետ ունեցել ենք պարբերաբար հանդիպումներ և քննարկել խնամքի կենտրոններում վերարտադրողական առողջության միասնական չափորոշիչների վերաբերյալ ձեռնարկ մշակելու հնարավորությունը, որը կօգնի դիտորդական խմբի անդամներին առավել համապարփակ ձևով մշտադիտարկելու այդ հաստատությունները: Ձեռնարկը մշակվել է մեր ադվոկացիոն թիմի կողմից և ներկայացվել է քննարկման դիտորդական խմբի անդամներին:

Այս նախաձեռնությունները համապարփակ ցույց են տալիս ԿՌԿ-ի՝ սեռական և վերարտադրողական առողջության և իրավունքների խնդիրների լուծման, քաղաքականության մշակման վրա ազդելու, կրթության բարելավման և խնամքի հաստատություններում վերարտադրողական առողջության չափանիշների խթանման հանձնառությունը:

→ 2. ԿԱՆԱՆՑ ԱՇԽԱՏԱՆՔԱՅԻՆ ԻՐԱՎՈՒՆՔՆԵՐԸ

2023թ. ընթացքում ԿՌԿ ադվոկացիոն թիմը շարունակեց աշխատավայրում սեռական ոտնձգություններն արգելող օրենսդրության ընդունմանն ուղղված գործողությունները: Մարտ ամսին հրապարակեցինք «Աշխատավայրում սեռական ոտնձգության հիմնախնդիրը Հայաստանում» հետազոտությունը, որին ներկա էին նաև ՀՀ ԱԺ պատգամավորներ և ՀՀ աշխատանքի և սոցիալական հարցերի փոխնախարարը: Որոշում կայացնողների հետ պարբերաբար հանդիպումներն ու [քննարկումները](#) շարունակվեցին մինչև մայիս ամիսը, երբ ԱԺ-ն ընդունեց ՀՀ աշխատանքային օրենսգրքում փոփոխություններ և լրացումներ կատարելու մասին օրենքը՝ ներառյալ աշխատավայրում սեռական ոտնձգությունների արգելքը: Օրենքի ընդունումից հետո ԿՌԿ-ն շարունակում է օրենքի մասին [իրազեկման աշխատանքները](#) և արդյունավետ կիրառմանն ուղղված [քննարկումները](#):

ԿՌԿ-ն շարունակում է իր համագործակցությունը Սոլիդարիթի Սենթր կազմակերպության հետ: 2023թ-ից աշխատում ենք աշխատավայրում գենդերային խտրականության դրսևորումների բացահայտմանն ուղղված հետազոտության շուրջ, որը կհրապարակվի 2024թ-ին:



3. ԿԱՆԱՅԷ, ԽԱՂԱՂՈՒԹՅՈՒՆ ԵՎ ԱՆՎՏԱՆԳՈՒԹՅՈՒՆ ՕՐԱԿԱՐԳԸ ՀԱՅԱՍՏԱՆՈՒՄ

Ղարաբաղյան երկրորդ պատերազմը և մասնավորապես Ադրբեջանի կողմից 2023թ. սեպտեմբերին արցախցիների բռնի տեղահանումը, որը հաջորդեց շուրջ 10-ամյա շրջափակմանը, իր ազդեցությունն ունեցավ կանանց իրավունքների վրա: Պատերազմական և հետպատերազմական ժամանակահատվածում հատկապես կարևոր են կանանց (այդ թվում՝ տեղահանված կամ պատերազմական գործողություններից տուժած կանանց) առանձնահատուկ կարիքներին արձագանքը և խաղաղության գործընթացում կանանց դերի բարձրացմանն ուղղված ադվոկացիոն աշխատանքները: Մյուս կողմից՝ նման ճգնաժամերին հաջորդում է պետությունների միլիտարիստական հռետորաբանության ակտիվացումը, որը իր ազդեցությունն է ունենում հասարակությունում կանանց դերի ու կարգավիճակի կայունացմանը, երբեմն նաև հետընթացի արձանագրմանը: Այս շրջանակներում ԿՌԿ ադվոկացիոն թիմն աշխատեց հետևյալ ուղղություններով.

- Մարտի 7-ին՝ Կանանց իրավունքների պաշտպանության միջազգային օրվան ընդառաջ, ԿՌԿ-ն կազմակերպեց «Կանանց իրավունքները բազմակի ճգնաժամերի համատեքստում. մարտահրավերներ և հնարավորություններ» կլոր սեղան-քննարկումը: Հանդիպման նպատակն էր ստեղծել երկխոսության հարթակ պետության և քաղաքացիական հասարակության ներկայացուցիչների միջև, որտեղ կքննարկեինք հետպատերազմական շրջանում կանանց իրավունքների շրջանում առկա մարտահրավերները, ինչպես նաև համատեղ անելիքները անվտանգային գլոբալ հարցերի տեսանկյունից:
- 2023թ. հրապարակվեց ՄԱԿ-ի ԱԽ 1325 բանաձևի գործողությունների ազգային պլանի [Ֆեմինիստական վերլուծությունը](#):
- 2023թ. իրականացրինք 2 խորհրդատվություն քաղաքացիական հասարակության ներկայացուցիչների հետ՝ «Հետպատերազմական շրջանում կանայք, խաղաղություն և անվտանգություն» օրակարգի շուրջ: Հանդիպումների մասին առավել մանրամասն նշված հղումով՝ <https://shorturl.at/ntGY3> և <https://shorturl.at/dtNY9>:
- Մայիսի 3-ին և 16-ին կազմակերպեցինք հրատապ խորհրդակցություններ բանակում կանանց կամավոր զորակոչին վերաբերող օրենսդրական նախագծի վերաբերյալ: Տարբեր քաղաքացիական կազմակերպությունների մեր գործընկերների հետ որոշեցինք բարձրաձայնել մեր մտահոգությունները Կառավարության և Ազգային ժողովի կողմից այս վտանգավոր օրենսդրական կարգավորման վերաբերյալ: Կանանց իրավունքների վրա այս փոփոխության բացասական հետևանքների վերաբերյալ [հայտարարություն](#) պատրաստեցինք և տարածեցինք հաղորդակցության տարբեր ուղիներով: Չնայած մեր համատեղ ջանքերին՝ հունիսի 26-ին Ազգային ժողովն ընդունեց այս նախագիծը: Մենք նախատեսում ենք մշտադիտարկել օրենքի կիրարկումը, որն ուժի մեջ կմտնի 2024թ. փետրվարից:
- 2022թ. դեկտեմբերից Ադրբեջանի կողմից Լաչինի միջանցքի շրջափակման ազդեցության, հումանիտար աղետի և կանանց իրավունքների վրա ազդեցության վերաբերյալ, ինչպես նաև 2023թ. սեպտեմբերին Ադրբեջանի կողմից Լեռնային Ղարաբաղի վրա հարձակման և տեղի բնակչության բռնի տեղահանման վերաբերյալ մեր թիմը պատրաստել է [իրազեկող 4 հաշվետվություններ](#) մեր միջազգային գործընկերների համար: Հոկտեմբերին մենք իրականացրինք նաև տեղահանված կանանց [կարիքների գնահատում](#):
- Նոյեմբերի 6-ին Հայաստանի և Ադրբեջանի սահմանը մշտադիտարկող ԵՄ առաքելության հետ կազմակերպեցինք [խորհրդատվական հանդիպում](#), որի նպատակն էր քննարկել կանանց

դերը ՀՀ անվտանգային օրակարգում: Հանդիպմանը մասնակցում էին սահմանամերձ համայնքներում կանանց հիմնահարցերով զբաղվող, «Կանայք, խաղաղություն և անվտանգություն» օրակարգի շուրջ ադվոկացիա իրականացնող կազմակերպություններ:

Այս բազմազան նախաձեռնությունների միջոցով ԿՌԿ-ն ցույց տվեց իր նվիրվածությունը գենդերային զգայուն մոտեցումների խթանմանը, խաղաղության կառուցման ջանքերում կանանց ակտիվ մասնակցության ապահովմանը, ինչպես նաև իր վստահությունը կոնֆլիկտային իրավիճակներից բխող բազմակողմ մարտահրավերներին դիմակայելուն:

ՊԵՏԱԿԱՆ ԶԱՂԱՔԱԿԱՆՈՒԹՅԱՆ ԵՎ ՕՐԵՆՔՆԵՐԻ ՄՇԱԿԴԻՏԱՐԿՈՒՄ

ԿՌԿ ադվոկացիոն թիմը մասնակցել է ՀՀ գենդերային ռազմավարության և 2024-2026թթ. գործողությունների պլանի նախագծի քննարկման աշխատանքներին:

Իրավական ակտերի նախագծերի հրապարակման միասնական կայքի միջոցով ներկայացրել ենք առաջարկներ օրենսդրական և քաղաքականության նախագծերի շուրջ: ՄԻՊ ազգային ռազմավարությունից բխող 2023-2025թթ. գործողությունների ծրագրի մասով մասնավորապես ներկայացրել ենք կանանց իրավունքների առավել արդյունավետ մեխանիզմներ ներդնելուն ուղղված առաջարկներ: Մանկավարժների բարեվարձության կանոնների քննարկման շրջանակներում առաջարկել ենք ներառել նաև սեռական բռնությունն ու ոտնձգությունը կանխարգելող դրույթներ: Առաջարկներ ենք ներկայացրել նաև Կամավորական աշխատանքի մասին օրենքի նախագծի, առողջապահական համապարփակ ապահովագրության համակարգի հայեցակարգի և միշտ քայլ նախագծերի վերաբերյալ:

Օգտագործել ենք քաղաքացիական հասարակությանը հասանելի հանրային կառավարման մեխանիզմները և մասնակցել ենք փոխվարչապետին կից կանանց խորհրդի, աշխատանքի և սոցիալական հարցերի, արդարադատության, առողջապահության և կրթության նախարարությունների հանրային խորհուրդների և ՀՀ մարդու իրավունքների պաշտպանին կից կանանց խորհրդի նիստերին:

ԿՌԿ-ն անդամակցում է ոլորտում գործող երեք կոալիցիաների՝ «Ընդդեմ կանանց նկատմամբ բռնության», «Խտրականության դեմ պայքարի և հանուն հավասարության» և «Մարդու իրավունքների տուն Երևան»: Կոալիցիաների հետ համատեղ ադվոկացիան ուղղված է գենդերային բռնության դեմ պայքարին, համապարփակ հակախտրական օրենսդրության ընդունմանը և իրավապաշտպանների պաշտպանվածության բարձրացմանը:

ՄԻՋԱԶԳԱՅԻՆ ԱԴՎՈԿԱՑԻԱ

Հոկտեմբերի 4-5-ը ՄԱԿ-ի՝ տնտեսական, սոցիալական և մշակութային իրավունքների կոմիտեի 74-րդ նստաշրջանի ընթացքում, տեղի է ունեցել Հայաստանի Հանրապետության՝ համանուն դաշնագրի շրջանակում ներկայացված 4-րդ պարբերական զեկույցի քննարկումը: Կանանց ռեսուրսային կենտրոնը Կոմիտեին ներկայացրել է [այլընտրանքային զեկույց](#) կանանց իրավունքների մասով, ինչպես նաև պետության դիտարկումից առաջ հանդես է եկել ելույթով՝ Կոմիտեի անդամներին ներկայացնելով կանանց իրավունքներին վերաբերող հրատապ խնդիրները:

Քննարկման արդյունքում Կոմիտեն ներկայացրել է Հայաստանի վերաբերյալ իր [եզրափակիչ դիտարկումները](#):

ԿՌԿ-ն շարունակում է անդամակցել նաև երկու խոշոր միջազգային ցանցերին՝ սեռական և վերարտադրողական առողջության պաշտպանությանն ուղղված ԱՍՏՐԱ (ASTRA Network) ցանցին և Վեյվ (WAVE Network) եվրոպական կազմակերպությունների ցանցին, որը գենդերային բռնության դեմ պայքարում միավորում է 160 կազմակերպություններ:




Կանանց ռեսուրսային կենտրոնի Հաղորդակցության բաժինը նպատակ ունի տեսանելի դարձնելու կազմակերպության աշխատանքը սոցիալական մեդիայի տարբեր հարթակներում (մասնավորապես՝ [ԿՌԿ կայքում](#), [Facebook](#), [Instagram](#), [Twitter](#), [LinkedIn](#) և [YouTube](#) էջերում, ինչպես նաև «Իմ մարմին՝ իմ իրավունք» նախագծի [ֆեյսբուքյան](#) և [ինստագրամյան](#) էջերում), խթանելու կազմակերպության նպատակներն ու տեսլականը առցանց տարածքում: Բաժնի նպատակներից է իր հաղորդակցությունը ավելի զգայուն և ներառական, ավելի ինտերսեկցիոնալ ու կազմակերպության ֆեմինիստական արժեքների վրա հիմնված դարձնելը: Այդ նպատակով սոցիալական մեդիան հնարավորություն է ընձեռում շփվելու մեր աշխատանքին հետևող, այն ընդունող կամ քննադատող մարդկանց հետ, տարածելու մեր ֆեմինիստական դիսկուրսը և առցանց քննարկումներ նախաձեռնելու:

Հունվար ամսից սկսած՝ հաղորդակցության բաժինն իրականացրել է հետևյալ աշխատանքները.


- Ամենամյա հաղորդակցման պլանի ստեղծում՝ ներառյալ տարվա կարևորագույն օրերը նշելու ֆեմինիստական և սոցիալական միջոցառումների օրացույց:
- Կազմակերպության 20-ամյակին նվիրված ամենշաբաթյա հրապարակումներ ԿՌԿ արխիվից:
- Սեռական ոտնձգությունների իրազեկմանը (SAAM) նվիրված մի շարք գրառումներ, որոնք, մասնավորապես, ներկայացնում են տարվա [թեման](#), սեռական բռնության վերաբերյալ [սոցիալական հոլովակի](#) վերահրապարակում, մեկ այլ հոլովակի վերահրապարակում՝ [«Թո՛ղ բռնության բերը»](#) խորագրով:
- ԿՌԿ 2022թ. գործունեության [հաշվետվության](#) ամփոփում և ներկայացում ըստ բաժինների՝ «ֆեմինիստական ապահով տարածք» ([մաս 1](#), [մաս 2](#), [մաս 3](#), [մաս 4](#)), [«Իրականացված նախագծեր»](#), [«Ռադիո և հաղորդակցություն»](#):
- Հանրությանը տեղեկացնելու մի շարք հրապարակումներ ՀՀ աշխատանքային օրենսգրքում տեղ գտած Նոր կարգավորման՝ «Աշխատավայրում սեռական ոտնձգությունների կանխարգելման [օրենքի](#)» [մասին բացատրական տեսանյութ](#):
- Անգլիախոս մեր լսարանին տեղեկացնելու համար մի շարք տեղեկատվական հրապարակումներ Լեռնային Ղարաբաղի շրջափակման, պատերազմի և հումանիտար ճգնաժամի իրավիճակի վերաբերյալ:
- [Գենդերային բռնության դեմ պայքարի 16-օրյա արշավի](#) շրջանակներում մի շարք հրապարակումներ՝ նշելու ակտիվիզմում ԿՌԿ անցած ուղին ու պատմությունը:

Բացի վերը նշված գործողություններից կամ ձեռնարկված քայլերից՝ հաղորդակցության բաժինը պարբերաբար (գրեթե ամեն աշխատանքային օր) հրապարակել է թարմացումներ՝ կապված ԿՌԿ գործունեության, նախագծերի, միջոցառումների, դասընթացների, հայտարարությունների և այլնի վերաբերյալ:

Ներկայումս ունենք ԿՌԿ սոցիալական էջերի հետևորդների հետևյալ պատկերը.



2023 թվականի ընթացքում աճ է նկատվել նաև մեր ֆեյսբուքյան և ինստագրամյան էջերի այցելությունների ինդեքսում.



«Իմ մարմին՝ իմ իրավունք» էջը շարունակել է ամենամյա տեղեկատվական արշավները տարբեր թեմաներով: Առաջինը նվիրված էր փետրվարին անցկացվող սեռական առողջության՝ շաբաթվան՝ [«Փաստերով առաջնորդվեք»](#) խորագրով, և ներառում էր գրառումներ սեռական հարաբերություններում [առողջ հաղորդակցության, առողջ սեռական հարաբերությունների, սեռական հարաբերությունների տեսակների, առողջ հարաբերություններում ծնողների դերի մասին](#):

Ապրիլին իրականացրած հաջորդ արշավը նվիրված էր [սեռական բռնությունների իրադեպման ամսին](#), որի խորագիրն էր «Կանխարգելումն արդարություն է պահանջում»: Գրառումները վերաբերում էին սեռական ոտնձգությունների [վիճակագրությանը](#), տերմինների [բառարանին \(մաս 2 և մաս 3\)](#), [տրավմա-իրադեպ աշխատավայրերին, բռնաճնշող համակարգերին և սեռական ոտնձգություններին](#):

«Վերարտադրողական իրավունքների շահերի պաշտպանության ցանցի» աշխատանքն ավելի տեսանելի դարձնելու նպատակով ցանցի անդամների հետ նկարահանվել են մի շարք տեսահոլովակներ: Տեսահոլովակները ներկայացնում են նրանց աշխատանքը, համագործակցությունը Ցանցում, ինչպես նաև հանրությանը տեղեկացնում են Ցանցի գործունեության մասին: Դրանք նաև ներառում են անդամ 34-ների մասին այնպիսի տեսանյութեր, ինչպիսիք են՝ [Կանանց ռեսուրսային կենտրոնի մասին](#)՝ որպես հիմնադրի, [Իրական աշխարհի, իրական մարդիկ 34, Փինք իրավապաշտպան 34, Իրավունքի գարգացման կենտրոն 34 և Ագաթ հաշմանդամություն ունեցող կանանց իրավունքների պաշտպանության կենտրոն 34](#):

Նույն նպատակով հրապարակվել են մի շարք գրառումներ՝ ներկայացնելու Ցանցի անդամների կողմից կազմած [բժշկական օգնություն տրամադրելու հարցում բուժաշխատողների իրավունքների և պարտականությունների վերաբերյալ ձեռնարկը](#): Գրառումները ներառել են հետևյալ թեմաները.

- [սեռական բռնության ենթարկված անձանց համար բժշկական աջակցության չափորոշիչներ.](#)
- [հաշմանդամություն ունեցող կանայք.](#)
- [ՄԻԱՎ-ով ապրող կանայք.](#)
- [ԼԳԲՏ կանանց](#) վերարտադրողական առողջության ծառայությունների մատուցում:

Քանի որ հոկտեմբերը կրժքագեղծի քաղցկեղի իրադեպման ամիսն է, մի շարք հրապարակումներ են արվել նաև այդ թեմայով՝ սկսած [հիմնական տեղեկատվական գրառումից](#):

2023 թվականի ընթացքում ԿՌԿ Հաղորդակցության բաժինն աշխատել է կազմակերպության ռազմավարական հաղորդակցության պլանի նախագծման և իրականացման վրա՝ ապահովելով կազմակերպության տեսանելիությունը և առաջ մղելով կազմակերպության սոցիալական մեդիայի էջերը: ԿՌԿ ֆեյսբուքյան և ինստագրամյան էջերն ունեցել են հետևյալ հասանելիությունը.



Այս տարի գործընկեր երեք կազմակերպությունների հետ շարունակել ենք ենթադրամաշնորհային ծրագրերը:

Տրամադրել ենք ԶՀԿ-ների ներքին կայունության հինգ նոր դրամաշնորհ և ադվոկացիոն ծրագրերի իրականացման չորս դրամաշնորհ:

Մասնակցային հիմունքով ընտրվել են կազմակերպություններ և արվել է դրանց կարիքների գնահատում: Դրա հիման վրա կազմվել է դասընթացների պլան և ընտրվել են հետևյալ 11 թեմաները.

1. ռազմավարական պլանավորում.
2. ռազմավարական հաղորդակցության սկզբունքներ.
3. հայեցակարգային բաղաբաականության մշակում.
4. կառավարության/օրենսդրի հետ աշխատանք.
5. սոցիալական ներառականություն.
6. արդյունահեն կառավարում.
7. տեղեկատվական արշավներ.
8. դոնոր համայնքի հետ աշխատանք.
9. գենդերային վերլուծություն. սկզբունքներ և գործիքակազմ.
10. ֆեմինիստական բաղաբաականություն.
11. բյուջետային գործընթաց:

Այդ թեմաներով իրականացվել է 15 դասընթաց: Դասընթացներին ընդհանուր առմամբ ներկա է գտնվել 130 մասնակից, և ներգավվել է 12 դասընթացավար:

Բոլոր ենթադրամաշնորհային ծրագրերը իրականացվել և ամփոփվել են: Տրվել է նոր ենթադրամաշնորհների բաց կանչ:

